



Axima post Iuram ad Occidentem est Ila, longa viginti quatuor millia, sedecim lata: à Meridie in Septentrionem porrecta: pecorum, frumenti, cervorum, item plumbi fertilis. Amnem aquæ dulcis habet nomine Laiam, item aquæ marinæ sinum, in quo insulæ variæ. Præterea aquæ dulcis lacum, in quo est insula Falangama dicta, olim omnium Insulanorum regia, in qua insularum Regulus assumpto nomine regio solebat habitare.

Huic propinqua, sed minor est insula *Rotunda*: cui etiam à consilio nomen est inditum. In ea enim curia erat, in qua quatuordecim è primoribus jus assidue dicebant, ac de sum-

ma rerum etiam agitabant consilia: quorum summa æquitas, & moderatio pacem domi, forisque præstitit, & pacis comitem rerum omnium affluentiam.

Inter Iam & Iuram sita est insula parva à cumulo lapidum cognominata.

Ad Australe latus *Ile* jacent hæc deinceps insulæ, *Columna*, *Mulmoris*, *Ofrima*, *Brigidana*, *Corskera*, insula *Humilis*, *Imerga*, *Beathia*, *Texa*, *Ovicularia*, *Naosiga*, *Rinarda*, *Cana*, *Tarscheria*, *Achnarra*, insula *Magna*, insula figuræ humanæ, insula *Ioannis*, *Stacbadis*.

Ad Occidentalem *Ile* angulum *Overfa*. Ibi quoque fretum torrentissimum nisi certis horis impermeabile est navibus. Insula *Mercatoris*: & ad Occidentem æstivum spectans *Vfabrastra*, & *Tanasta*, & *Nefa*, & insula *Textoris*, & ad octo millia ab Ila magis in Septentriones versa *Orvanfa*, & ei proxima *Porcaria*, & quingentos passus ab *Orvanfa* *Coluanfa*.

